

abonnement pour un an

350 Piastres

Edition spéciale. 500 ptrs.

Adresse :

« Idjtihad » Constantinople

Téléph. St. 865

XXIII^{ème} ANNÉE

1 Avril 1928 No. 249

اجتهاد

علمی، ادبی، اقتصادی، صناعی، صحی مجموعہ

آبونمان : سنہ لکی [24 نسخہ]

تور کیا ایچون 2 بچق، خارج ایچون

3 بچق، اعلا کاغذ لیسى 5 لیرادر.

ادارہ خانہ سی :

جفال اوغلندہ « اجتہاد تہوی »

تلفون : استانبول ۸۶۵

یکرمی اوچنچی سنہ

نومرو ۲۴۹ - ۱ نیشان ۹۲۸

پوسته قوطوسی

بشکلاشده هدیہ خانہ . (دانشونجیو) نك شعرلری
 Herelle طرفندن فرانسزجیه ترجمه اولونمشدر . طابی
 (پارس) ده (قالان لهوی) در . رومانلری تیارولری ده
 تماماً فرانسزجیه ترجمه وعینی طابع طرفندن طبع اولونمشدر .
 قاضی کوپنده علی بکه . (اجتهاد) مجموعه سی قاضی کوپنده
 شو دکانلرده صاتیلیور : اسکله جاده سنده ایرانی علی حیدرافندی
 دکانی ، آتی یولده فجر کتابخانه سی ، موده ده حریت آپارتمانی
 قارشیسنده فائق افندی نك توتونجی دکانی .
 (ازمیت) ده علی بکه :

بلچیقاده اصول انتخاب دهر

Droit censtitntionnel نك Léon Duguit
 عنوانی کتابنك ایکنجی جلدینك 189 نجی صحیفه سنده ایضاحات
 آتیہ نی بولورسکز :
 25 ایلول 1893 تاریخندن بری بلچیقاده بر درجہ لی
 انتخاب اصولی جاریدر . قانوا حقوق مدنیہ دن اسقاط ایدیلہ مش
 و 25 یاشنی اکال ایتمش اولان هر وطنداش انتخاب رأی
 ویرمك حقنه مالکدر . فقط بر درجہ لی انتخاب اصولی ، vote
 plurale دینلن منضم رأی سیستمه تالیف اولونمشدر . بعضی
 شرائطی نفسنده جمع ایدن انتخاب ایدیلجهره ، فضله اولارق بر
 مقدار رأی ویرلشددر . بلچیق قانون اساسینك یکی 47 نجی
 ماده سی ، آتیہ کی شرائط غروبلرینك هر بری ایچون بر فضله
 رأی ویرمکده در . برنجی شرائط غروپی : 35 یاشنی اکال
 ایتمش اولاق ، متأهل ویا دول اولاق ، مشروع اولاد اولق
 و حکومته لاقل 5 فرائق شخصی ویرکی ویرمك . ایکنجی
 شرط : 25 یاشنی اکال ایتمش اولاق ، لاقل 2000 فرائق
 قیمتده املاک صاحبی باخود دفتر کبیرده یاخود تصرف صندیفنده
 لاقل 100 فرائق ایراد صاحبی بولونماق . 25 یاشنی اکال
 ایتمش اولان و آتیہ کی حاللردن برنده بولونان وطنداشه منضم
 ایکی رأی ویرلشددر . اولا : تدریسات عالیہ دیپلوماسنی باخود
 کرک خصوصی کرک رسمی بر مؤسسه دن عالی درجده تام بر
 تحصیل قورسی شهادتنامه سنی حامل بولونماق بوکسک
 درجده تحصیل تالی استلزام ایدن بر مقام اشغال
 ایتک ویا ایتمش اولاق . فقط هیچ بر کیمسه اوچدن
 زیاده رأیه مالک اولاماز . انتخاب رأی ویرمك هر بلچیقالی
 ایچون مجبوریدر . [تمکیلات اساسیه قانونی ماده 82] .

نماشا عالمزنده

دارالبدايمده بر تالیف : فرمانلی دلی حضرتلری - رمضانک
 صوک اوپونی : فوق العصریلر

مشهور « استانبول افندیسی » اوپرتی مؤلفی مصاحب
 زاده جلال بکک اولجه اوپرت اولارق حاضرلاشمش اولان
 « فرمانلی دلی حضرتلری » عنوانی یکی بر تالیفی دارالبدايمده
 قبول و تمثیل ایدلدی . تالیف اثرلره قارشی قاپیلرینی قاپامش
 اولان دارالبدايمک بو حرکتی مؤسسه ده تألیف اثرلر ایچون

مساعده بر ذهینتک حصوانی کوسترمک اعتباریلده شایان
 دتقدر . بنیه سی اعتباریلده کوزل بر اوپرت اولان بو اثرک
 موسیقاسنی بر صحنه ده تکنیک موفقیتی حائر حرکتی بر پیس
 اولسنه امکان اولماقله برابر دارالبدايمک صنعتکارلرینک استعداد
 و مهارتلری تمثیله جاذبه ویرمشدر . سلطان ابراهیم زمانده
 دار آغاجی آلتنده فرمانله تولومدن قورتولان « موسی افندی »
 اسکی آرقداشلرندن بایرامک اوغلی بهرامک کندی اعدامه
 چالیشانلردن بری طرفندن پادشاهه تقدیم ایدلمک اوزره قاپیرلش
 اولان نشانایسی نکاری سیرایه کیریش اولدینی حالده قورتارارق
 بهرامله براشه لرینی تأمین ایدیور . بوموضوعدن مصاحب زاده
 جلال بک تاریخی و واقفانه تفرعات ایله سوسله یهرک اوچ
 برده لک بر اثر یاممشدر .

مصاحب زاده جلال بکک بوتون اثرلرندن ، استانبول
 افندیسی ، معجون حقسی ، قاشیقچیلر ، آتی عسس ، یدجی
 اوپرتلرنده ده ناصراد عشقارک بر مدت اضطراب چکدکدن
 صکره نائل امل اولدیلری تصویر ایدلشددر . اسکی حیات
 ولسان و بالخاصه طرز تلبس ختنده واسع وقوف و صلاحیتی
 اولان استاددن داها موفق و تهذلی پیه سار بکلر سهرک بو
 امیدنک تطمیزندن امین اولابیلیرز . بو اثرک تمثیلده م . کال ،
 بهزاد و خالده و نیره نیر خاتمر چوق موفق اولدیلر . دلی حضرتلری
 رولنده حازم بکی بر آرز داها خیرچین اولاجندی ظن ایدیوروز .
 کوزل سسلی عاشق بهرام رولی وصنی رضا بک طرفندن بک
 کوزل و جاذب بر صورتده اویناممشدر .

فوق العصریلر : — دارالبدايمک بو سنه کی غروته سکی
 کنجک عملیاتی ایچون ویانه یه قدر اختیار سیاحت ایدن اوچ
 ارکک اله عصریلکه اوزهنن ، ارمنی معلمدن دانس و آداب
 معاشرت اوکره عسکه قاقان اسکی تپیده اوچ خانم وارک کشمش
 کنج قیزلرله قیزلاشمش کنج ارککاری و سینه ما آرتیستی
 والانتینونک پرستشکاری بر هوپا و زوپه نی تشهر ایدیور .
 بو غروته سک معاصر حیاتک قاریقاتوری اولارق تماشاکرلری
 بک اکلندیردی بویله تیلره چوق تصادف ایدیوروز . مقدر
 اولان حد طبیعیسنده دورمایارق اوزهنیه دوشن انسانلرک
 حالت روحیه لری مبالغه لی بر طرزده جانلاندیرلشددر . تمثیل
 عمومیتله موفقدی فط ایکنجی تابلوده نیره نیر خاتمه اسماعیل
 غالب بک داها ممتاز بر موفقیت کوسترمشدر . بالخاصه نیره نیر
 خانمک کولونچ قوجا قاری رولی مکملدی .

بو غروته سکه رمضانک و احتمال موسمک صوک اوپونی
 ویرلدی . دارالبدايمک بو موسم امید ایدلیدی قادار فضله اثر
 و مه مش ایه ده اثرلرک انتخاب و تمثیلی اعتباریله شایان دقت
 بر موفقیت کوسترمشدر قاعته دیز .

محمد فرید

مدیر مسئول : دوقور عبدیل حسنی « قدر » مطبعه سی